

INFORMACIJA

o stanju sigurnosti na području Općine Ilijaš za protekla tri mjeseca 2019. godine, odnosno Januar, Februar i Mart pomenute godine

Primjenom komparativne metode, izvršena je procjena stanja sigurnosti iz svih oblasti na području Općine Ilijaš za protekla tri mjeseca 2019. godine u odnosu na isti period 2018. godine, te je na osnovu statističkih pokazatelja konstatovano sljedeće:

1. OBLAST KRIMINALITETA

U posmatranom vremenskom periodu, unutrašnje organizacione jedinice osnovne organizacione jedinice Sedme PU Uprave policije MUP-a KS, Policijska stanica Ilijaš i Odjeljenje kriminalističke policije Ilijaš (u daljem tekstu: PS Ilijaš i OKP-e Ilijaš), su kontinuirano i permanentno pratile stanje sigurnosti iz oblasti kriminaliteta, te su na osnovu detektovanih negativnih pojava adekvatno reagovala sačinjavanjem operativnih i akcionih planova, te konkretizovanjem zadataka policijskim službenicima sa ciljem otklanjanja uočenih negativnosti na određenim područjima, odnosno podizanja stanja sigurnosti na području Sedme PU - PS Ilijaš na viši nivo.

U vremenskom periodu, mjesec Januar, Februar i Mart 2019. godine, registrovano je **30 (trideset)** krivičnih djela, dok je u Januaru, Februaru i Martu 2018. godine registrovano **16 (šesnaest)** krivičnih djela na području Sedme PU - PS Ilijaš, što je za **14 (četnaest)** krivičnih djela ili za **46,66 % više u odnosu na isti period 2018. godine.**

1.1. Struktura registrovanih krivičnih djela:

I -III 2018

I-III 2019

• Registrovana krivična djela.....	16.....	30
• Teška krađa iz člana 287. KZ F BiH.....	06.....	12
• Ugrožavanje sig. iz člana 183. KZ F BiH.....	00	05
• Nasilje u porodici iz člana 222. KZ F BiH.....	01.....	02
• Krađa iz člana 286. KZ F BiH.....	01.....	02
• Prijevара iz člana 294 KZ F BiH.....	00.....	02
• Nasilničko pon. iz člana 362. KZ F BiH.....	00.....	02
• Razbojništvo iz člana 289. KZ F BiH.....	02.....	01
• Pos. i om. uživ.op.droga iz člana 239. KZ F BiH...	03.....	01
• Oštećenje tuđe stvari iz člana 293. KZ F BiH.....	02.....	01
• Prikrivanje iz člana 300. KZ F BiH.....	00.....	01
• Izazivanje opće opasnosti iz čl. 323. KZ F BiH.....	00.....	01

Na osnovu navedenih statističkih pokazatelja, evidentno je da su na području ove PU - PS, najizraženija krivična djela protiv imovine, te je od 12 (dvanaest) krivičnih djela iz člana 287. KZ F BiH, 02 (dva) krivična djela teških krađa M/V, dok je 10 (deset) krivičnih djela teških krađa izvršeno u vikend kuće i pomoćne objekte.

Unutrašnje organizacione jedinice Sedme PU, PS Ilijaš i OKP-e Ilijaš, sačinile su operativne planove postupanja u vezi sprečavanja vršenja krivičnih djela i rasvjetljavanja krivičnih djela, pored kojeg su svakodnevnim permanentnim i kontinuiranim radom radili na sprečavanju izvršenja KD-a, te rasvjetljavanju KD-a koja su izvršena od strane NN izvršilaca. Preduzimajući niz operativnih i kriminalističkih taktičkih mjera i radnji iz svoje nadležnosti, a pod nadzorom postupajućih Tužilaca Kantonalnog Tužilaštva Sarajevo, policijski službenici PS Ilijaš i OKP-e Ilijaš od **30 (trideset)** izvršenih KD-a, rasvjetili su **16 (šesnaest)** KD-a, što procentualno iznosi **53,33 %**.

Od ukupnog broja registrovanih krivičnih djela u protekla tri mjeseca 2019. godine, 12 (dvanaest) krivičnih djela izvršeno je od strane poznatih, a 18 (osamnaest) od strane nepoznatih izvršilaca, dok su za 04 (četiri) krivična djela od ukupnog broja prijavljenih krivičnih djela po nepoznatom izvršiocu, naknadno identifikovani osumnjičeni izvršioci.

Policijski službenici Sedme PU - OKP-e Ilijaš, Kantonalnom tužilaštvu Kantona Sarajevo podnijeli su **30 (trideset)** službenih izvještaja protiv **16 (šesnaest)** lica zbog postojanja osnova sumnje da su počinila navedena krivična djela. Također, OKP-e Ilijaš je nadležnom tužilaštvu prosljedila na odluku putem administrativnog djelovodnika ukupno **50 (pedeset)** obavijesti, odnosno izvještaja o događajima u kojima je prčinjena materijalna šteta i slično.

Zbog postojanja osnova sumnje da su počinila krivična djela **09 (devet)** lica u prva tri mjeseca 2019. godine lišeno je slobode, dok je u istom periodu 2018. godine lišeno slobode **05 (pet)** lica, što je za **04 (četiri)** ili **80 % više nego u 2018. godini**.

U izvještajnom periodu, nije bilo prijavljenih krivičnih djela koja su izvršena od strane maloljetnih lica.

U prva tri mjeseca 2019. godine sa ciljem dokumentovanja krivičnih djela i identifikacije izvršilaca, izvršeno je 26 (dvadesetšest) uviđaja, te 11 (jedanaest) pretresa lica i 01 (jedan) pretres stambenog objekta, dok su u službene prostorije OKP-e Ilijaš pozvana 64 (šestdesetčetiri) lica radi obavljanja intervjua na okolini izvršenja krivičnog djela.

Sedma PU - PS Ilijaš i OKP-e Ilijaš, u saradnji sa drugim organizacionim jedinicama Uprave policije MUP-a KS, kao i agencijama za sprovođenje zakona u BiH, u narednom periodu nastaviće kontinuiran i permanentan rad na podizanju stanja sigurnosti na viši nivo iz oblasti kriminaliteta, a na svaku negativnu i devijantnu pojavu odgovoriće preduzimanjem planskih mjera i radnji na suzbijanju iste.

2. OBLAST JAVNOG REDA I MIRA

U oblasti javnog reda i mira, koje u velikoj mjeri utiče na sigurnosni ambijent i percepciju građana, Sedma PU - PS Ilijaš, preduzela je planske aktivnosti na sprečavanju narušavanja javnog reda i mira - prosjačenjem, spriječavanju nelegalne prodaje i upotrebe pirotehničkih sredstava, pojave pasa lualica, kao i druge mjere i radnje u skladu sa svojim nadležnostima prema negativnim pojavama koje je Sedma PU - PS Ilijaš detektovala svakodnevnim prisustvom i radom na terenu.

Sedma PU - PS Ilijaš, svakodnevno je postupala po prijavama građana (pismenim, usmenim i putem telefona), koje su se odnosile na narušavanje javnog reda i mira, a posebno je na području ove PU izražena problematika neriješenih imovinsko - pravnih odnosa, zbog čega je ova PU - PS u više navrata ostvarila saradnju sa nadležnim službama Općine Ilijaš radi rješavanja pomenute problematike. Pored saradnje sa nadležnim službama Općine Ilijaš, ova PU - PS, u određenim slučajevima ostvarila je saradnju i sa drugim službama, institucijama i ustanova sa svih nivoa vlasti u BiH, što će nastaviti i u narednom vremenskom periodu, a sve sa ciljem stvaranja povoljnijeg sigurnosnog ambijenta življenja svih građana Općine Ilijaš, Kantona Sarajevo, F BiH i BiH.

U izvještajnom periodu za prva tri mjeseca 2019. godine, registrovano je ukupno **16 (šesnest)** prekršaja, od čega je **15 (petnaest)** prekršaja iz Zakona o prekršajima protiv javnog reda KS, **01 (jedan)** prekršaj iz Zakona o nabavljanju, držanju i nošenju oružja i municije KS, dok prekršaja iz Odluke o prekršajima protiv JRM-a Općine Ilijaš nije bilo, što je za **02 (dva)** prekršaja ili **12,50 %** više nego u istom periodu **2018.** godine, kada je registrovano **14 (četnaest)** prekršaja.

I -III 2018

I-III 2019

• Registrovano prekršaja.....	14.....	16
• Učestvovalo lica.....	18.....	20
• Pripadnici policije su intervenisali.....	14.....	16
• Na zahtjev gradjana.....	13.....	16
• Po ostalim zahtjevima.....	01.....	00
• Prilikom intervencije izdato upozorenja.....	00.....	00
• Pod. prekr. prijava i izdato prek. naloga.....	14.....	16
• Protiv lica, od toga.....	18.....	20

• Po Zakonu o PPJRIM.....	14.....	15
• Protiv lica.....	18.....	19
• Po Odluci PPJRIM.....	00.....	00
• Protiv lica.....	00.....	00
• Po ZONDINOM-u.....	00.....	01
• Protiv lica.....	00.....	01
• Po Zakonu o LK.....	00.....	00
• Protiv lica.....	00.....	00
• Po Zakonu o javnom okupljanju KS.....	00.....	00
• Protiv lica.....	00.....	00
• Po Zakonu o spr.nas. i ned. ponaš. KS.....	00.....	00
• Protiv lica.....	00.....	00
• Po Zakonu o zaštiti od nasilja u porodici....	00.....	00
• Protiv lica.....	00.....	00

2.1. Struktura prekršaja:

	<u>I -III 2018</u>	<u>I-III 2019</u>
• Registrovani prekršaji.....	14.....	16
• Učestv. u tuči i fizički napad na drugog.....	03.....	06
• Naročito drsko ponašanje.....	01	01
• Omalovažavanje i odbi. zako. naređenja OSL-a....	01.....	05
• Navođenje na prosjačenje.....	06.....	01
• Uživanje opojnih droga na javn.mjestu.....	01.....	00
• Stvaranje nepotrebne buke.....	00.....	02
• Nošenje i upot. gasnog pištolja na jav. mjestu....	00.....	01

2.2. Mjesto izvršenja prekršaja:

	<u>I -III 2018</u>	<u>I-III 2019</u>
• Ulice i drugi otvoreni prostori.....	12.....	14
• Ugostiteljski objekti.....	01	01
• Ostala mjesta.....	01.....	01

U prva tri mjeseca 2019. godine 02 (dva) lica lišena su slobode u skladu sa odredbama člana 17. Zakona o prekršajima F BiH zbog počinjenih prekršaja, odnosno nastavljanja sa vršenjem prekršaja i postojanja opasnosti da će nastaviti ili ponoviti počiniti istovrsni prekršaj, dok u istom periodu 2018. godine nije bilo lica lišenih slobode u skladu sa pomenutim odredbama Zakona o prekršajima F BiH.

Ova PU, nema izraženu problematiku u vezi s radom ugostiteljskih objekata, zahvaljavući kontinuiranom i permanentnom radu policijskih službenika, odnosno primjeni policijskih ovlaštenja u skladu sa trenutno važećom zakonskom regulativom u BiH, što će nastaviti i u narednom periodu, tj. na sve detektovane probleme odgovaraće odmah, preduzimanjem planskih i drugih aktivnosti iz svoje nadležnosti. Ova PU, u predmetnom vremenskom periodu postupala je po zahtjevima organa, preduzeće i drugih pravnih lica koji na osnovu zakona vrše javna ovlaštenja za pružanje pomoći - asistencija, kojima je pružena pomoć - asistencija u skladu sa zakonskim i podzakonskim aktima.

3. OBLAST SIGURNOSTI SAOBRAĆAJA

Imajući u vidu da je u proteklom vremenskom periodu nekoliko saobraćajnih nezgoda koje su se dogodile na području Kantona Sarajevo sa težim posljedicama, izazvalo veliku uznemirenost i negodovanje građana, odnosno kod istih izazvale osjećanja fizičke uznemirenosti i ugroženosti, te ogromno interesovanje i pažnju medija (printanih i elektronskih), ova PU - PS, svakog mjeseca sačinjava akcione planove pojačane kontrole učesnika u saobraćaju na području Sedme PU - PS Ilijaš, sa akcentom na kontroli brzine kretanja M/V, upravljanje M/V pod djelovanjem alkohola i dr. prekršajima na mjestima koja je ova PU - PS izdiferencirala nakon izvršene analize, kao mjesta koja su ugrožena od strane vozača koja upravljaju vozilima suprotno odredbama ZOBSNP-a u BiH i Zakonu o uređenju saobraćaja na putevima u Kantonu Sarajevo. Pored pomenutih akcionih planova, Sedma PU - PS Ilijaš, svakodnevno je postupala, odnosno postupa i po drugim akcijama i kampanjama koje se provode na području Sedme PU - PS Ilijaš i Kantona Sarajevo na osnovu sačinjenih vlastitih planova i planova drugih organizacionih jedinica Uprave policije MUP-a KS (Jedinice za saobraćaj), koji su i dostavljeni ovoj PU - PS. Policijski službenici Sedme PU - PS Ilijaš, u skladu sa depešom Policijskog komesara Uprave policije MUP-a KS ne vrše kontrolu i regulisanje na dijelovima auto - puta A-1 i magistralnog puta M-18, koji prolaze kroz područje Općine Ilijaš, što je u nadležnosti Jedinice za saobraćaj Uprave policije MUP-a KS, ali svakodnevno vrše obilazak i uvid u stanje puteva koji prolaze kroz područje Općine Ilijaš, nakon čega se po liniji rada vrši izvještavanje o zatečenom stanju, što će se nastaviti i u narednom periodu.

U izvještajnom periodu za prva tri mjeseca 2019. godine, registrovano je **38 (tridesetosam)** saobraćajnih nezgoda na putevima koje prolaze kroz područje Sedme PU - PS Ilijaš, od toga **11 (jedanaest)** saobraćajnih nezgoda sa povrijeđenim licima i **27 (dvadesetsedam)** sa materijalnom štetom, dok je u **istom periodu 2018. godine** registrovano **60 (šestdeset)** saobraćajnih nezgoda, od čega **08 (osam)** saobraćajnih nezgoda sa povrijeđenim licima i **52 (pedesetdvije)** saobraćajne nezgode sa materijalnom štetom, što je za **22 (dvadesetdvije)** saobraćajne nezgode u odnosu na isti period 2018. godine.

3.1. Uporedni pokazatelji saobraćajnih nezgoda i posljedica na području Općine Ilijaš za Januar, Februar i Mart 2019./2018. godina:

	<u>I -III 2019</u>	<u>I-III 2018</u>
• Ukupan broj saobraćajnih nezgoda.....	38.....	60
• Saobraćajne nezgode sa nastradalim licima.....	11	08
• Saobraćajne nezgode sa materijalnom štetom.....	27	52
POGINULO LICA.....	01.....	00
• Vozači - motociklista.....	01.....	00
• Putnici.....	00.....	00
• Pješaci.....	00.....	00
POVRIJEĐENO LICA.....	14.....	11
• Vozači.....	10.....	05
• Putnici.....	02.....	04
• Pješaci.....	02.....	02

3.2. Pregled saobraćajnih nezgoda i posljedica na području Općine Ilijaš za Januar, Februar i Mart 2019./2018. godina:

	<u>I -III 2019</u>	<u>I-III 2018</u>
• Ukupan broj saobraćajnih nezgoda.....	38.....	60
• Saobraćajne nezgode sa nastradalim licima.....	11	08
• Saobraćajne nezgode sa materijalnom štetom.....	27	52
POGINULO LICA.....	01.....	00
• Vozači - motociklista.....	01.....	00
• Putnici.....	00.....	00
• Pješaci.....	00.....	00
POVRIJEĐENO LICA.....	14.....	11
• Vozači.....	10.....	05
• Putnici.....	02.....	04
• Pješaci.....	02.....	02

U prva tri mjeseca 2019. godine na putevima i ulicama u naselju na području Općine Ilijaš registrovano je 07 (sedam) saobraćajnih nezgoda (02 sa povrijeđenim licima i 05 sa materijalnom štetom), a izvan naselja 31 (tridesetjedna) saobraćajna nezgoda (01 sa smrtnim posljedicama na lokalnom putu, 08 sa povrijeđenim licima i 22 sa materijalnom štetom).

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- neprilagođena brzina(član 44. ZOBSNP-a u BiH).....	19
- radnje vozilom u saobraćaju(član 36. ZOBSNP-a u BiH).....	07
- ne držanje potrebnog odstojanja(član 96. ZOBSNP-a u BiH).....	03
- oduzimanje prava prvenstva prolaza(član 50. ZOBSNP-a u BiH).....	02
- ostali prekršaji iz odredbi ZOBSNP-a u BiH.....	07
Ukupno.....	38

Najveći broj saobraćajnih nezgoda na području Općine Ilijaš, dogodio se u ulici Bosanski put na dijelu od Alića rampe do pravoslavne crkve(07 S/N) i u ulici Moševićka - naselje Podlugovi(06 S/N).

Policijski službenici Sedme PU - PS Ilijaš, u prva tri mjeseca 2019. godine kontrolisali su:

- 5.655 vozila, odnosno 1.174 više nego u istom periodu 2018. godine
- 5.655 lica u vozilima, odnosno 1.174 više nego u istom periodu 2018. godine

Iz oblasti sigurnosti saobraćaja na području Općine Ilijaš, registrovana su 924 (devetstotinadvadesetčetiri) prekršaja, te je učesnicima u saobraćaju uručeno 919 (devetstotinadevetnaest) prekršajnih naloga, dok je ovlašteni organ - PS Ilijaš, nadležnom sudu na podnijela 05 (pet) zahtjeva za pokretanje prekršajnog postupka u skladu sa odredbama Zakona o prekršajima F BiH. U odnosu na isti period 2018. godine, evidentno je došlo do smanjenja prekršaja iz oblasti sigurnosti saobraćaja za 745 (sedamstotinačetdesetpet) prekršaja ili za 80,62 %, kada je registrovano 1669 (hiljadušestotinašesdesetdevet) prekršaja.

Policijski službenici su tokom prva tri mjeseca 2019. godine u službenim prostorijama PS Ilijaš, zadržali 03 (tri) vozača do otrežnjenja u skladu sa odredbama člana 224. ZOBSNP-a u BiH, tj. kod kojih se utvrdila količina alkohola u krvi preko 1.5 g/kg.

3.3. Mirujući saobraćaj i kontrola pješaka kao kategorije učesnika u saobraćaju

Za nedozvoljeno parkiranje vozila na javnim površinama uručeno je 129 (stotinudvadesetdevet) prekršajnih naloga, a pješaku koji nije poštovao propise kao učesnik u saobraćaju uručen je 01 (jedan) prekršajni nalog. Aktivnosti sa specijalnim vozilom „Pauk“ u izvještajnom periodu nije bilo.

3.4. Struktura prekršaja iz oblasti sigurnosti saobraćaja:

	<u>I -III 2019</u>	<u>I-III 2018</u>
• Upravljanje vozilom pod djelovanjem alkohola.....	10.....	45
• Upravljanje vozilom bez položenog voz. ispita.....	13.....	23
• Upravljanje voz. u vr. trajanja izre. zaš. mjere.....	02	00
• Korištenje mob. telefona tokom upr. M/V.....	30.....	26
• Ne korištenje sig. pojasa tokom upr. M/V.....	54.....	67
• Zatečeni vozači da upr. voz. bez važ. registra.....	12.....	26
• Ostali prekršaji.....	803.....	1482
• Ukupno.....	924.....	1669

Sedma PU - PS Ilijaš, i u narednom periodu nastaviće praćenje toka i frekvencije saobraćaja na putevima koje prolaze kroz područje pomenute PU, te će na osnovu statističkih pokazatelja, odnosno na osnovu mjesta i vremena izvršenja prekršaja i saobraćajnih nezgoda planirati prisustvo policijskih službenika na izdeferenciranim lokacijama, sa ciljem smanjenja broja prekršaja i broja saobraćajnih nezgoda, tj. povećanja stanja sigurnosti saobraćaja i učesnika u saobraćaju na veći nivo.

Na osnovu navedenih statističkih pokazatelja, utvrđeno je da je stanje sigurnosti na području Sedme PU - PS Ilijaš na zadovoljavajućem nivou, ali je Sedma PU - PS Ilijaš, nastavila i nastaviće sa preduzimanjem preventivno - represivnih mjera iz svoje nadležnosti, u skladu sa raspoloživim kapacitetima i ovlaštenjima, a sa ciljem stvaranja što povoljnijeg ambijenta sigurnosti svih građana.

4. Mirna okupljanja, sportske priredbe, javne priredbe i drugi oblici okupljanja građana

	<u>I -III 2018</u>	<u>I-III 2019</u>
• Ukupan broj javnih skupova.....	20.....	22
• Ukupan broj angažovanih pol. sl. na osigur.....	51.....	159

Sva mirna okupljanja, sportske priredbe, javne priredbe i drugi oblici okupljanja, koji su ovoj PU - PS, prijavljeni u skladu sa odredbama Zakona o javnom okupljanju KS, protekla su u najboljem redu, bez bilo kakvih incidenata, preduzimanjem planskih mjera i radnji od strane Sedme PU - PS Ilijaš.

5. Pružanje pomoći drugim organima - asistencije i intervencije

U izvještajnom periodu nije bilo Zahtjeva državnih organa, preduzeća i drugih pravnih lica za pružanje pomoći - asistencija, za razliku od istog perioda 2018. godine kada je ova PU - PS, zaprimila **06 (šest)** zahtjeva za pružanje pomoći - asistencija.

6. Zakonitost u radu, rad policije u zajednici i druge aktivnosti

Tokom prva tri mjeseca 2019. godine podnesena je 01 (jedna) predstavka na rad policijskog službenika Sedme PU - PS Ilijaš, od strane građanina, koja je dostavljena na dalji rad i postupanje Jedinici za profesionalne standarde Uprave policije MUP-a KS, te ista još nije okončana.

Policijski službenici Sedme PU - PS i OKP-e Ilijaš, u izvještajnom periodu u jednom slučaju opravdano su upotrijebili silu, i to: fizičku snagu i sredstva za vezivanje.

U okviru rada policije u zajednici, policijski službenici Sedme PU - PS Ilijaš, tokom prva tri mjeseca 2019. godine nastavili su sa preduzimanjem brojnih aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Tokom obavljanja redovnih poslova i zadataka, policijski službenici vršili su obilaske mjesnih zajednica, obrazovnih institucija, dječjih vrtića, te ostvarivali kontakte sa socijalnim radnicima, građanima, vjerskim službenicima, a sa ciljem preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Također, prilikom obavljanja redovnih aktivnosti, policijski službenici Sedme PU - PS Ilijaš, obilaska sportskih i dječjih igrališta na području Općine Ilijaš, kojom prilikom su uočili oštećenja na istim, odnosno da je na većini sportskih i dječjih igrališta potrebna rekonstrukcija i sanacija određene infrastrukture, kako bi se spriječile neželjene posljedice po korisnike pomenutih igrališta, a najčešće su to djeca sa područja Općine Ilijaš. Uočena oštećenja i dotrajalost određenih dijelova sportskih i dječjih igrališta, policijski službenici Sedme PU - PS Ilijaš su fotografisali, te će CD sa fotografijama istih biti prilog ove informacije. U vezi pomenutog, potrebna je adekvatna reakcija nadležnih institucija i ustanova, na brzoj sanaciji i rekonstrukciji dotrajale i oštećene infrastrukture na sportskim i dječjim igralištima, a Sedma PU - PS Ilijaš, spremna je u svakom momentu da u raspoloživom kapacitetu u skladu sa svojim nadležnostima, ovlaštenjima i postojećom legislativom pruži pomoć - asistencije i intervencije svim državnim organima, preduzećima i drugim pravnim licima koja na osnovu Zakona vrše javna ovlaštenja.

U izvještajnom periodu, Sedma PU - PS Ilijaš, nije imala registrovanih događaja u kojima su učestvovali migranti, koji uveliko usložnjavaju sigurnosnu situaciju, kako na području Kantona Sarajevo, tako i na području Federacije BiH i države BiH, te će ova PU - PS, i u narednom periodu nastaviti sa preduzimanjem mjera i radnji iz svoje nadležnosti na praćenju stanja u vezi migranata na području Općine Ilijaš, sa ciljem pravovremene reakcije i uključivanja nadležnih institucija u slučaju eventualne pojave migranata na području Općine Ilijaš.

7. Slučaj Edin Gačić

Nakon izvršenog krivičnog djela ubistva građanina u mjestu Podorašac, Općina Konjic, a zatim i nakon počinjenog KD-a iz člana 166., stav 2., tačke e - Ubistvo službene osobe pri vršenju poslova sigurnosti, policijskog službenika Jedinice za osiguranje ličnosti i objekata Sektora uniformisane policije FUP-a, Begić Mahira, od dana 04.02.2019. godine, Sedma PU - PS Ilijaš, preduzela je niz mjera i radnji na pronalasku izvršioca pomenutog KD-a, kao i prikupljanju eventualnih saznanja o izvršiocu istog.

Odmah nakon što je za licem Gačić Edinom, zbog postojanja osnova sumnje da je izvršio navedena KD-a, raspisana operativna potraga, policijski službenici Sedme PU - PS Ilijaš, na području Sedme PU - PS Ilijaš, preduzeli su sve neophodne mjere i radnje iz svoje nadležnosti, a u skladu sa ovlaštenjima na pronalasku izvršioca pomenutog KD-a, zaštite građana, kao i prikupljanju svih korisnih saznanja koji bi mogli koristiti u lociranju lica Gačić Edina.

Pored mjera i radnji preduzimanih na pronalasku predmetnog lica, policijski službenici Sedme PU - PS Ilijaš, vršili su pojačanu kontrolu vozača i vozila, obilaska trgovinskih centara, autobuskih stajališta, naselja i drugih mjesta kojima cirkuliše veći broj građana, sa ciljem preventivnog djelovanja na eventualne izvršioce KD-a, prekršaja i drugih oblika devijantnog ponašanja, odnosno stvaranja što povoljnijeg ambijenta življenja građana.

8. Manifestacija "EYOF 2019"

Policijski službenici Sedme PU - PS Ilijaš, prije početka manifestacije od značaja za Kanton Sarajevo, Federaciju BiH i državu BiH, "EYOF 2019", preduzimali su mjere i radnje na prikupljanju bezbjednosno interesantnih saznanja o eventualnoj ugroženosti pomenute manifestacije, što je nastavljeno i nakon početka iste.

Kontinuiranim i permanentnim radom, policijski službenici Sedme PU - PS Ilijaš u vezi održavanja Evropskog omladinskog olimpijskog festivala(EYOF 2019), na olimpijskim borilištima na području Kantona Sarajevo, preduzimali su intenzivne mjere i radnje u skladu sa nadležnostima i ovlaštenjima, te su iste protekle bez ikakvih problema i u najboljem redu, odnosno doprinijele da se predmetna manifestacija održi bez ijednog incidenta.

9. Saradnja sa lokalnom zajednicom

Saradnja PS Ilijaš i lokalne zajednice, odnosno predstavnicima lokalne zajednice (načelnikom Općine, uposlenicima svih službi i predstavnicima MZ-a) u proteklom periodu bila je na visokom nivou, sa kojim su zajedno blagovremeno detektovani svi sigurnosni problemi i eventualni sigurnosni izazovi, koji bi mogli biti opasnost po ovu lokalnu zajednicu, te izazvali kod građana osjećanja straha, fizičke uznemirenosti i ugroženosti. Rezultat dobre saradnje predstavnika lokalne zajednice i PS Ilijaš, jeste, realizacija projekta instaliranja - postavljanja sistema video nadzora na području Općine Ilijaš, čije je postavljanje u potpunosti urađeno u skladu sa trenutno postojećom zakonskom regulativom u BiH, tj. postavljene su i informativne table u skladu sa odredbama člana 21-a. Zakona o zaštiti ličnih podataka da je područje pod video nadzorom. Sve aktivnosti koje su provedene od strane lokalne zajednice i PS Ilijaš, imale su za cilj podizanja stanja sigurnosti građana Općine Ilijaš, što će se nastaviti i u narednom periodu, tj. da će pomenuta saradnja sigurno proizvesti rezultat, a to je kreiranje što povoljnijeg ambijenta sigurnosti za sve građane Općine Ilijaš, ali i Kantona Sarajevo, Federacije BiH i države BiH.

Sedma PU - PS Ilijaš, svjesna je činjenice da u stvaranju osjećaja sigurnosti kod građana ne učestvuju samo statistički podaci i pokazatelji, te će u narednom periodu kontinuirano i permanentno raditi na izgradnji povjerenja između policije i građana, podizanju osjećaja sigurnosti kod građana, a sve sa ciljem da ambijent sigurnosti građana Općine Ilijaš, saradnje sa građanima, lokalnom zajednicom i privrednim subjektima, kao i stepen povjerenja u policijske službenike Sedme PU - PS Ilijaš bude na jednom visokom nivou.

Ilijaš, dana 10.04.2019. godine